

劉兆祐博士主編
中國史學叢書三編

兵
政
紀
畧
(三)

臺灣學堂書局
印行

劉兆祐博士主編
中國史學叢書三編

兵
政
紀
畧
(三)

臺灣學生書局 印行

兵政紀畧已帙目錄

卷二十一之二十四俱嶺西

經畧

查究江防失事狀

兵餉更制覈戎伍以振積弱通行德慶守備
白玉并高要高明新興四會廣寧陽春德
慶封川開建瀧水恩平等有兵州縣

營堡節制開後

兵餉更制行德慶州楊知州覈編船甲

申飭覈戎振弱行德慶高要等十州縣
申飭江防會哨合操之規行守備白玉
計剿近鎮蟠據大夥浪賊行竄等徐
議處僻縣兵食以圖保障狀

議准撫兵率衆部劄狀

議行江道官兵獎賞并申嚴防守事宜狀

招撫海寇許恩安插議

募徭殺賊行肇慶府取銀備給
分別良惡剿撫行指揮胡九經

建屯召佃行恩平縣

行守備林鳳至并領營兵

超賞奪回被虜示

禁約撫民報水示

召佃實屯耕守禁民爭業示

旬宣

立法催餉行肇高二府

革冗稅以便民商行肇慶府

清理舖遞稽程行德慶茂名等十八州縣

書院既建表祀大儒以端風教狀

議請兵糧就便貯給狀

申請兵糧通行就便貯給狀

禁殘餐以杜亂萌示

諭賊禮送被虜職官示

諭百姓趁時收割賊田示

申飭江防禁約示

兵政紀畧卷之二十一

豐城李

材孟誠甫

著

宜興俞士章汝成甫

梓

金谿王民順道服甫

輯

高安王許之忠

甫校

嶺西

經畧

查究江防失事狀

奉提督兩廣軍門批據鎮守廣西地方總兵
官署都督同知李錫呈據軍伴陳才告稱同

舍人李信鮑廷信隨總甲王二船往廣東收
買藥料五月二十五日回至下羅旁奇槎堡
討船護送當撥小船一隻送纜一里不料遽
回至地名楊柳沙遇賊一夥三十餘徒伏草
突出鉤斂才船殺死李信并搭船不識姓名
一人船上貨物劫去數多才浮水得命赴該
管白守備及新村巡司領哨官虔具告驗實
備呈查究緣由批江上船兵歲餉不貲何為
尚聞失事將官剋剝船兵虛冒巡綽寡鮮所

致仰嶺西兵巡道嚴行白玉查實追尋立贖
如過一月外緝解本官以憑責究奉此查得
先據守備白玉呈據暫代下江巡哨名色把
總區鯤化呈稱哨兵走報廣西兵船孤行放
肆灣泊突遇賊劫時有舊縣奇槎二埠哨兵
截救人船督兵追捕賊遁深菁又據軍人陳
才告稱被賊劫船殺傷三命即差人前到被
劫船上查得尚有檳榔十六包醬油六罈鯊
魚一包海味兩籬大小皮箱四箇木板箱二

箇銅盤一包等物俱聽陳才領回等情本道
即行本官查究失事哨兵設法追賊贖罪未
報該德慶州查叅把總區鯤化失事已經批
提解道緝打發府監問外今奉前因除嚴行
守備白圭照奉批示查實追尋立功自贖過
限綁解外為照德慶江防地約二百八十餘
里兵議一千六百餘名原議哨船七十五隻
大船用兵十七八名小船十四五名餘兵分
布羅旁南江蓬遠奇槎等地哨守一船相去

近者三四里遠者五六里照應委難且復拘
守信地不復互援卷查本道到任之始未任
之前一月中徭賊刼掠一在土名筏芋殺死
提調指揮楊中興一刼上班軍匠船五隻殺
虜軍人無算一在奇槎堡刼客商顏一貫家
小船一隻一在羅旁刼去藤縣兵船四隻殺
死船夫五名一在楊柳沙刼去上班哨軍歐
真慶等船其越江打刼村寨殺虜人畜尤難
悉數至其甚者徑就江岸之間鳴鑼碎屍還

威取贖雖經叅提失事官兵網打罰治竟亦
無補於事隨該本道查將在道操兵二百五
十名添調新興四圍營兵一百五十名雇刷
民船行委把總張德實劉大偉金仲伯等分
督上江專作遊兵不復拘守信地賊遂斂跡
商旅宵行此亦軍門蒞鎮之初所親見也後
因倭警半掣西征臘盡春初復有失誤四月
之內荷蒙軍門督發遊擊王瑞立贖本道亦
添發張德實協力數月之內賊亦潛跡自是

以後但補發遊兵則江防便戢但掣減遊兵則劫奪便多事効甚明左證非遠即雖委緣將領懈怠督哨不勤寔因五月內海賊急犯陽江將哨兵林慶陳銘併掣赴援之故至於將官剋剝船兵虛冒自昔弊所不無然目今之情亦有可憫三月逮茲尚未給餉而各兵船不時查點頗亦未聞缺人但恐空乏至極待哺日乂總申輩貸給在前索利在後其弊端或不免耳祗今四營之內旣調其三而操

兵三分之一中亦減其一旦暮憂思亟圖所以
補發江巡無兵可處查得叅將梁守愚通緣
西海警寂軍門牌遣掣回計程將到則李元
敬所領三百名贅劄陽江者似可移掣為江
防之用其船隻查有空閑裝載如再不足量
刷九江高頭船隻督赴江津與守備白玉協
力防禦仍行照道原規不分信地沿江上下
晝夜警巡再有失誤則彼雖欲張口諉責亦
無詞矣惟復別有定奪

兵餉更制覈戎伍以振積弱通行德慶守
備白玉并高要高明新興四會廣寧陽
春德慶封川開建瀧水恩平等有兵州
縣

照得嶺西營堡之兵二百年積弱以至今日
當事者人思振理畢竟付之長嘆無可柰何
良以食不時給則勇壯者不肯受募而地方
棍猾因得托寄空名乾沒賞餉卒之庫貯與
兵兩相為病而弊終任之不可革也近該本

道察見根荄皆為餉銀盡集府中之故夫餉
多則催徵勢不滿額兵多則給授必致愆期
給散既不依期則借貸勢必難免稱貸例須
償息則口食計將不敷因而奸吏乘之以執
權豪戶倍稱以賈利而兵與餉兩俱耗竭矣
茲荷軍門名議將有兵州縣坐扣餉銀就地
支給而不刻限催徵畫一支放杜絕侵漁行
令各屬敬奉確遵岫豈徒以弭給散之弊端
實欲因以振營堡之積弱若使將領司牧祇

知謹催徵勤請給而於兵夫精脆漫不留心
即雖諸弊盡革而冊報名伍亦卒於寄空文
而無有實用也亦何取於紛更千慮百思祇
以優疲癯之月給耶合行振理庶裨戎工為
此牌仰守備白玉照牌事理即便會同龍水
縣署印判官廖國和將中軍東南西北雲渺
勒竹平塘三萬石甯石架雲靑龍岡飯包六
壘共一十五營兵額計八百八十五名逐名
揀選老弱者徑行革退缺額者速募補足及